
ЯНГИ ЙИЛ АРАФАСИДА ОЛТИАРИҚДА 48 ТА ЭҲТИЁЖМАНД ОИЛА УЙЛИ ВА “ЁШЛАР ДАФТАРИ”ГА КИРИТИЛГАН 53 НАФАР ЙИГИТ-ҚИЗ ИШЛИ БЎЛДИ

Вилоят ҳокими Хайрулло Бозоров Олтиариқ тумани Файзиобод МФЙда кам таъминланган, эҳтиёжманд оилалар ва ногиронлиги бўлган шахслар учун қуриб берилган уйларни фойдаланишга топшириш маросимида иштирок этди.

Бир пайтлар қаровсиз ётган 4 қаватли бинода ҳомийлар кўмаги ҳамда бюджет маблағлари ҳисобидан 48 та хонадонли кўркам уй-жой бунёд этилиб, оилаларга тўловларсиз берилганидан мамнун бўлган вилоят раҳбари барчани янги йил байрами билан табриклади. Айниқса, янги уй-жойларга кўчиб чиқаётганлар учун қўшалоқ байрам бўлганига эътибор қаратди. Бу уй-жойларда халққа хизмат қиладиган, ватанпарвар ўғил-қизлар камол топишига тилак билдирди.

Шундан сўнг тумандаги “Ёшлар” дафтарига киритилган 53 нафар йигит-қизларга ўз-ўзини банд қилиши ва даромад манбаларига эга бўлишлари учун инкубатор аппаратлари, мотокультиватор, пишириқлар учун печлар, тикув машиналари топширилди.

Ёшлар билан мулоқот қилган Хайрулло Бозоров, меҳнат қилган одам кам бўлмаслигини, кичик тадбиркорлик катта бизнес сари йўлнинг дебочаси бўлишини қайд этди.

Янги уй эгалари ва ёшлар давлатимиз раҳбарига эътибор ва ғамхўрлик учун миннатдорчиликларини изҳор қилдилар.

Бизни ижтимоий тармоқларда кузатинг [Facebook](#),
2021-12-29 08:20:22